

趙詒琛編
民國間刻本

顧千里先生年譜

第四冊目錄

顧千里先生年譜二卷	一
言舊錄一卷	一一一
定盦先生年譜一卷	三一
吳昌綬編	四三三
定盦年譜稿本一卷	四四三
黃守恒編	五三五
定盦年譜外紀二卷	五三五
張祖謙編	五三五
潘文勤公年譜一卷	五三五

顧千里先生年譜題詞

廿餘年前余奉贈趙君學南詩曰譯箸兼聞校讀
頻曾無鄉思繫鱸純一溪煙雨衡門下誰識江南
顧澗蘋益學南時寓滬南製造局左近日校古籍
故以澗蘋相況乃昨歲顧譜竟編成於學南之手
余又贈詩一章以誌欣慕辛未夏五江浦愚弟陳
洙房山氏書於觚不觚齋

峭帆主人撰顧譜體例詳慎搜羅豐其書中括數十傳
譜中附同時
名人小傳閱之磊落開心胸乾嘉以來盛樸學顧公

嶽嶽尤豪雄顏頤抱冲埒匪石百城寢饋琳琅叢同時

諸賢悉推重丹鉛光氣騰青虹影鈔本校宋元刻譬彼
墨守兼輸攻惜哉絕交慣箸論劉段黃李初鮮終意者
見仁與見知直幹挺異風中蓬茲譜後賢足矜式百川
之障瀾迴東思適本集所已載屏置不列茲編中乃知
文郎歸汪譜世兄尊三曾撰歸玄實由庭訓超凡庸今
茲鴻筆更峻特寶此何異珎璜琮聚珍一帙既紙貴山
姚君石子以初更稿排印於滬上更錄諸本傳無窮我詩微末若片羽欣
附鵬背乘長風

顧千里先生在嘉道閒爲諸名人校刻古籍凡一字
之誤必再三考訂不肯輕率故刻成諸書珍重士林

洪楊亂後五書局開刻大都據先生校本重付手民
其有功於前賢有益於後學詎可量哉特以不得科
第僅以縣學生終而學者亦鮮有講求版本目錄之
學於是百年來邑人有不能舉其姓名者可慨也前
年余編先生年譜並承王君欣甫潘君聖一及諸益
友之助不三月而脫藁金山姚君石子卽鉛印於滬
上嗣後又陸續增修視鉛印本不勝歛然乃壽諸梨
棗姚君原跋仍埒於後以誌高誼陳君房山贈詩綜
括編譜之旨不啻爲有韻之序文也爰冠卷端聞先
生孫河之孝廉咸同閒寓居上海城內距城隍廟僅

咫尺耳今後人當有在者如見此譜通函惠教補其
略正其誤則更幸焉辛未八月趙詒琛識

顧千里先生年譜卷上

對樹書屋

崑山 趙詒琛 學南 編輯

乾隆三十一年丙戌八月先生生

先生名廣圻字千里號澗蘋

亦作蘋

又號鑑平

見黃薨圃跋錢

罄室校刊吳地記從顧鑑平轉假

又號思適居士

見百

伊師張白華所儲錢刊本云云

宋一又號无悶子見遜翁苦

又號一雲散人

見百璧齋古甄

塵賦又號无悶子

見遜翁苦

又號一雲散人

松字雨蒼父文燧字庭有俱業醫世爲吳人庭有爲

雨蒼第六子生於乾隆五年庚申六月七日移居元

和縣故先生常稱元和人母鄭太孺人生於乾隆十

一年丙寅十月三日乙丑先生生時父年二十七歲
母年二十一歲無兄弟有叔父文烜居吳縣通素問
靈樞業醫有聲揚州人以千金求其一至爲幸其子
名之達字抱冲爲先生從兄生於乾隆十八年癸酉
先生生時年十四歲抱冲好藏書其藏書室曰小讀
書堆與同郡黃薨圃士禮居並稱於時

黃薨圃名丕烈字紹武長洲縣人乾隆四十六年
辛丑入縣學五十三年戊申預行己酉正科鄉試

舉人得朱刻書百餘種顧南雅

顧南雅字希翰號南雅吳縣人嘉慶七

年壬戌進士官至通政司副使生於乾隆三十年
乙酉卒於道光十二年五月年六十八歲按震澤

張鼎父履撰墓誌銘
云道光十三年卒

顏其室曰百宋一廬自嘉慶

辛酉至辛未歲常祭書於讀未見書齋丙子除夕
又祭於士禮居前後皆爲之圖生於乾隆二十八
年癸未卒於道光五年乙酉八月年六十三歲

乾隆三十二年丁亥二歲

乾隆三十三年戊子三歲

乾隆三十四年己丑四歲

乾隆三十五年庚寅五歲

乾隆三十六年辛卯六歲

三月二十二日癸亥父卒享年三十二歲母鄭太孺

人時年二十六歲撫孤守節極人生之艱難

乾隆三十七年壬辰七歲

乾隆三十八年癸巳八歲

乾隆三十九年甲午九歲

乾隆四十年乙未十歲

乾隆四十一年丙申十一歲

謝宗師科試從兄抱冲入元和學第三名題明日爲後

廩貢生

謝宗師名墉字金圃嘉善人乾隆十七年壬申進

士時官工部侍郎

乾隆四十二年丁酉十二歲

三月七日癸酉挑父柩於吳縣一雲山東麓神臺墩
下祖塋之側

先生少孤多病枕上未嘗廢書人咸異之

隨舅氏陳鑑塘於京師

陳鑑塘名源燾本姓鄭宛平籍元和人乾隆三十
三年戊子舉人三十六年辛卯恩科進士時官侍

御

乾隆四十三年戊戌十三歲

乾隆四十四年己亥十四歲

乾隆四十五年庚子十五歲

乾隆四十六年辛丑十六歲

自京南回與程念鞠游長洲張白華先生門假館於

程氏不喜時藝每問師讀書之法念鞠既同門富藏

書與先生善因得徧覽其書

刻易林序云是年南回李申耆撰先生墓誌銘

云弱冠南回疑誤

學者稱萬卷書生焉

程念鞠名世銓字叔平別號鞠莪有鄧尉探梅圖

卷

按念鞠自題云己酉仲夏世銓書於寸草軒中下有銓字方印鞠莪二字朱文方印

張白華名思孝字南陔長洲人諸生有白華堂詩

詞

其詞集一卷名鶯邊詞詒琛已刻入又滿樓叢書

乾隆四十七年壬寅十七歲

乾隆四十八年癸卯十八歲

乾隆四十九年甲辰十九歲

乾隆五十年乙巳二十歲

先生謂黃蕘圃曰有宋刻鑑誠錄得諸徐七來家後
爲程念鞠豪奪去

乾隆五十一年丙午二十一歲

乾隆五十二年丁未二十二歲

乾隆五十三年戊申二十三歲

乾隆五十四年己酉二十四歲

乾隆五十五年庚戌二十五歲

春執贄於江良庭先生之門十年得惠定宇遺學盡

通經小學之義

墓誌銘以先生入江先生之門在三十歲後疑有誤

江良庭名聲字叔灃元和人年三十師事同縣惠定宇嘉慶元年丙辰舉孝廉方正賜六品頂戴四年己未九月三日卒年七十九歲

惠定宇名棟號松崖士奇子幼承家學經史諸子稗官野乘無不通乾隆十六年辛未詔舉經明行修之士兩江總督黃廷桂陝甘總督尹繼善交薦之因所著書未及進罷歸生於康熙三十六年丁

丑卒於乾隆二十三年戊寅年六十二歲

乾隆五十六年辛亥二十六歲

八月十三日東洞庭山徐學友葬其父增貢生漱坡
妣邱孺人來請先生撰墓誌銘

冬先生謂鈕匪石曰有顧子述者攜其友臧拜經所

輯爾雅古注來吳因得寓目蓋希有之書也

日本神田喜一

耶編先生年譜云許瀚於先生許得聞臧庸輯有爾雅古注許瀚字印林日照人乙未北闈舉人精考訂訓詁之學似未與先生相識

十一月鈕匪石訪先生借戴東原所校孟子注與先生暢談先生謂方言非揚子雲作又謂通雅甚雜竹

書紀年孔叢子家語不足引用

先生自入江先生之門學問益進得交當世名人

徐漱坡名金霖字翔千長洲人卒於乾隆五十一年丙午正月十三日年六十九歲

鈕匪石名樹玉字藍田洞庭東山布衣通六書之學

臧拜經名庸字西成本名鏞堂武進人所輯韓詩遺說先生以爲輯韓詩眾矣此爲最精生於乾隆三十二年丁亥卒於嘉慶十六年辛未七月年四十五歲